



RÈGLEMEN ENTÈN MANB FONDATÈ

Atik 1- Definisyon Manb Fondatè.

1.1- Manb Fondatè Òganizasyon HOTSPOT ONE (OHO), se Gason ak Fanm ki rejwenn premye inisyatè lide a. Se moun ki pataje, makònen epi aksepte filozofi pwomotè lide a ap fè pwomosyon pou li a.

1.2- Tout moun sa yo ki vini Manb Fondatè Òganizasyon HOTSPOT ONE (OHO), yo vini genyen menm dwa ak pwomotè lide a nan tout desizyon depi se pou bon avansman ak ranfòsman Òganizasyon an. Nan sans sa a, Manb Fondatè yo se fanmi, ak zanmi, ki rejwenn pwomotè lide a pou fòme Premye pi gwo Estrikti Òganizasyon an.

Atik 2- Reprezantasyon Kategori Manb Fondatè (Board).

Kategori Manb Fondatè (Board) Òganizasyon HOTSPOT ONE (OHO), genyen yon Estrikti ki ap dirije li ki pote non: Komite Manb Fondatè (KMF). Se Komite sa a ki la pou dirije ak administre tout kesyon ki konsène Òganizasyon an ki genyen pou reyini, diskite ak debat tout dosye ki pote sou objektif Òganizasyon an ap pousuiv lòske yo genyen konvokasyon ki soti nan Komite Manb Fondatè (KMF).

Atik 3- Konpozisyon Manb Komite.

Òganizasyon HOTSPOT ONE (OHO) ap jere pa mwayen yon Komite ki genyen non Komite Manb Fondatè (KMF). Epi ki ap administre ak yon Komite ki genyen Senk (5) Manb ladan li ki se:

- **Prezidan.**
- **Sekretè Jeneral.**
- **Responsab Trezò.**
- **Pòt Pawòl.**
- **Konseye Jeneral.**

Atik 4- Kategori Manb Fondatè.

Kategori Manb Fondatè (Board) la ki nan Òganizasyon HOTSPOT ONE (OHO) genyen Dwa Veto. Manb Fondatè sa yo ap genyen pou diskite ak pran desizyon nan reyinyon Komite Manb Fondatè (KMF) ap genyen pou planifye. Sepandan, Manb Fondatè sa yo kapab kase tout desizyon ki pa kadre ak objektif, Vizyon, Misyon Òganizasyon an. Epi Manb Fondatè sa yo tou kapab mande ak KMF bon jan eksplikasyon sou fonksyonman Òganizasyon an.

Atik 5- Atribisyon Manb Komite.

Komite Manb Fondatè (KMF) genyen pou atribisyon:

- **Planifye ak pwograme gwo desizyon estratejik Òganizasyon an.**

- Pwopoze plan taway ak potfèy bidjè anyèl **Òganizasyon** an.
- Elabore bidjè **Komite Manb Fondatè (KMF)** pou sipote **Òganizasyon** an.
- Veye sou bon fonksyonman **Òganizasyon** an pa rapò ak **Estat** epi **Règleman Entèn** yo.
- Evalye travay **Manb Gwoup Teknik Entèkansyon (GTE) Òganizasyon** an ap fè.
- Resevwa dosye kandida ak evalyasyon pou entegre yo nan **Òganizasyon** an.
- Resevwa doleyans, sigjesyon, kont randi, rekòmandasyon **Manb Aderan (Team)** ak **Manb byenfetè (Staff) Òganizasyon** an.
- Resevwa rapò, kont randi, sigjesyon, rekòmandasyon **Manb Gwoup Teknik Entèkansyon (GTE) Òganizasyon** an.
- Pataje rapò, enfòmasyon ak tout lòt manb yo nan **Òganizasyon** an.
- Nome manb nan komisyòn **Òganizasyon** an si sa nesese.
- Aplike disiplin ak sanksyon sou manb ki fotif nan **Òganizasyon** an.

Atik 6- Fonksyon Manb Komite.

A- Prezidan.

- Reprèzante ak reponn ak tout konvokasyon, aktivite yo envite **Òganizasyon** an sou plan nasyonal ak entènasyonal.
- Konvoke **KMF** ak tout lòt **Estrikti Òganizasyon** an nan reyinyon **Òdinè** oubyen **Ekstrawodinè** yo.
- Prezide reyinyon **KMF** pou yo pran desizyon pou **Òganizasyon** an.
- Prezide seyans **Asanble Jeneral (AJ)** ak **Asanble Jeneral Manb (AJM) Òganizasyon** an.
- Konvoke manb yo nan **Asanble Jeneral (AJ)** ak **Asanble Jeneral Manb (AJM) Òganizasyon** an.
- Delibere sou desizyon ki pou sòti nan **Asanble** yo: **Asanble Jeneral (AJ) Òganizasyon** an ak **Asanble Jeneral Manb (AJM) Òganizasyon** an.
- Otorize ak **KMF** entegrasyon nouvo manb aprè etid ak verifikasyon dosye kandida a nan **Òganizasyon** an.
- Veye sou bon mach **Òganizasyon** an ak sou desizyon **Asanble Jeneral (AJ)** ak **Asanble Jeneral Manb (AJM)** yo pran.
- Siyen tout dokiman administratif **Òganizasyon** an.
- Bay apwobasyon sou tout depans ki ap fèt sou non **Òganizasyon** an.
- Siyen ak **Sekretè Jeneral** la pwochè-vèbal reyinyon **KMF Òganizasyon** an.
- Siyen ak **Responsab Trezò** a rapò finansye **KMF Òganizasyon** an.
- Kontwòle tout aktivite **Òganizasyon** an ap fè.
- esevwa tout rapò **Manb Gwoup Teknik Entèkansyon (GTE)** ap genyen pou soumèt ak **KMF**.

B- Sekretè Jeneral.

- Konsève ak ranje tout rejis manb ak tout lis byen, ekipman, materyèl, **Òganizasyon** an.
- Ajoute tout nouvo manb, manb ki kite ak sa ki mouri nan rejis manb **Komite Manb Fondatè (KMF) Òganizasyon HOTSPOT ONE (OHO)**.
- Resevwa epi transmèt dosye nouvo manb **Òganizasyon** an ak **Prezidan** pou swivi.
- Ekri lèt envitasyon, fè apèl ak tout manb **KMF** ak rès manb yo ki nan **Òganizasyon** an lè genyen reyinyon.
- Pran nòt lè genyen reyinyon **KMF** ak reyinyon **Asanble Jeneral (AJ)** epi ak reyinyon **Asanble Jeneral Manb (AJM) Òganizasyon** an.

- Ekri tout pwosè-vèbal reyinyon **Òdinè** ak **Ekstawòdinè KMF Òganizasyon** an.
- Fè lekti pwosè-vèbal ak kont randi reyinyon **KMF Òganizasyon** an.
- Anrejistre tout desizyon ki pran nan **Asanble Jeneral (AJ)** ak **Asanble Jeneral Manb (AJM) Òganizasyon** an aprè li fini resevwa yo nan men **Manb Gwoup Teknik Entèvansyon (GTE)**.
- Jere tout dokiman administratif **Òganizasyon** an nan tèt kole ak **Manb Gwoup Teknik Entèvansyon (GTE)**.
- Klase tout dokiman ki sòti anndan ak deyò **Òganizasyon** an pou kapab estoke yo sou sit **Òganizasyon** an ak rejis fizik yo.
- Siyen ak **Prezidan** an pwose-vèbal ak rapò administratif **KMF Òganizasyon** an.

C- Responsab Trezò.

- Resevwa kotizasyon mansyèl obligatwa ak montan anyèl kès asistans sosyal **KMF Òganizasyon** an.
- Jere tout antre ak depans **KMF Òganizasyon** an ap fè.
- Jere fason lajan ap rantr nan kès ak kont labank **Òganizasyon** an nan tèt kole ak **Prezidan** an.
- Jere tout depans asosyasyon an ki sòti nan bidjè **KMF Òganizasyon** an te vote a.
- Kolekte tout chif sou byen **Òganizasyon** an posede an espès epi an nati.
- Ekri bidjè fonksyonman **KMF Òganizasyon** an.
- Resevwa bidjè fonksyonman **Manb Gwoup Teknik Entèvansyon (GTE) Òganizasyon** an.
- Anrejistre tout antre ak sòti lajan **Òganizasyon** an sou baz dokiman **Manb Gwoup Teknik Entèvansyon (GTE)** a ap soumèt.
- Mete disponib tout pyès ki jistifye acha, depans, dèt, prè, don sou non **Òganizasyon** an.
- Prezante eta finansye lè genyen reyinyon **KMF** epi ak lòt **Estrikti Òganizasyon** an.
- Prezante rapò finansye nan **Asanble Jeneral (AJ) Òganizasyon** an.
- Siyen ak **Prezidan** an rapò finansye **KMF Òganizasyon** an.

D- Pòt Pawòl.

- Pran lapawòl nan non **Òganizasyon** an sou plan nasyonal ak entènasyonal lè **Prezidan** an anpeche.
- Kominike pawòl ak mesaj enpòtan **KMF** ak tout rès manb yo epi ak lòt **Estrikti Òganizasyon** an.
- Reprzante **Òganizasyon** an nan envitasyon ofisyèl yo sou delegasyon **KMF**.
- Fè kont randi lè li deplase nan envitasyon ofisyèl yo ak **KMF Òganizasyon** an epi ak tout rès manb yo.
- Fè rapwochman **Òganizasyon** an ak tout lòt entistasyon tankou prive, piblik, sosyete sivil ak entènasyonal.
- Fè pwomosyon ak enfòmè lòt moun sou aktivite **Òganizasyon** an ap fè pou li kapab genyen nouvo manb ak bon renome.
- Defann valè, onètete, ak repitasyon **Òganizasyon** an devan tout lòt moun.

E- Konseye Jeneral.

- Bay bon jam konsèy ak bòn direksyon sou tout desizyon ki ap pran nan **KMF Òganizasyon** an.
- Ranplase yon lòt manb nan **KMF Òganizasyon** an lè genyen vakans ak anpèchman.

- Akonpaye ak bay asistans ak **KMF Òganizasyon** an ak tout lòt estrikti yo nan travay yo ap fè.
- Veye sou fason tout **Estrikti Òganizasyon** an ap fonksyone epi fè rekòmandasyon pou yo rive byen fonksyone.
- Sèvi abit lè genyen bouch louvri ak chire pit nan **KMF** ak lòt **Estrikti Òganizasyon** an.

Atik 7- Pwosedi Eleksyon Ak Dire Manb Komite.

7.1- Komite Manb Fondatè (KMF) Òganizasyon HOTSPOT ONE (OHO) ap monte pa mwayen vòt inanim pou tout **Manb Fondatè** yo pou diferan pòs ki genyen nan **Komite a. Manb Fondatè** yo kapab pote yo kandida volontè oubyen yo deziye yo nan yon pòs sou baz eksperyans ak konpetans yo genyen.

7.2- Nan ka yon deziyasyon pou yon pòs, depi tout **Manb Fondatè** yo dakò pap genyen vòt se sèlman aklamasyon ki ap genyen.

7.3- Nan ka genyen **Manb Fondatè** ki dakò ak lòt **Manb Fondatè** ki pa dakò, se pa mwayen yon vòt nan mitan **Manb Fondatè** yo kandida a ap rive genyen pòs la. Se toujou vwa majorite a ki ap pase.

7.4- Eleksyon pou **Komite Manb Fondatè (KMF) Òganizasyon HOTSPOT ONE (OHO)** dwe fèt obligatwaman chak **Douze (12) Mwa**, sa vle di chak **Yon (1) Lanne**. Manda li ap kòmanse nan dat eleksyon an te fèt la pou monte ou renouvle **Komite a**.

Atik 8- Dwa Prezidan An Nan Konvokasyon Ak Moderasyon Reyinyon.

8.1- Kèlkeswa reyinyon ki ap fèt la sou kèlkeswa fòm li ap fèt la tankou fizikman, apèl konferans ak apèl videyo, se **Prezidan** an ki ap genyen dwa pou li fè konvokasyon ak **Komite Manb Fondatè (KMF)** epi ak lòt **Estrikti Òganizasyon HOTSPOT ONE (OHO)**. Epi se **Prezidan** ankò ki ap genyen dwa pou li fè moderasyon reyinyon an.

8.2- Sepandan, nan ka **Prezidan** an ta genyen yon anpechman, se **Konseye Jeneral** la a ki ap genyen dwa pou li jwe wòl **Prezidan** an genyen nan konvokasyon ak moderasyon reyinyon.

8.3- Konsa tou, kit se **Prezidan** an kit se **Konseye Jeneral** la ki te fè konvokasyon an, youn nan yo kapab mande nenpòt manb **Manb Fondatè Òganizasyon HOTSPOT ONE (OHO)** pou jwe wòl moderatè nan reyinyon an pou pèmèt patisipasyon anplis chak manb nan jesyon tan rankont yo ak tan lapawòl.

Atik 9- Reyinyon Manb Fondatè Ak Desizyon.

Tout **Manb Fondatè Òganizasyon HOTSPOT ONE (OHO)** yo dwe prezan nan tout reyinyon ki ap fèt, kèlkeswa fòm li ap fèt la, tankou; fizikman, apèl konferans ak apèl videyo. Si toutfwat genyen yon **Manb Fondatè** ki pap ka prezan nan yon reyinyon, **Manb Fondatè** a dwe fè **Prezidan** an konnen sa davans. Nan ka kontrè, **Manb Fondatè** ki prezan yo ap pran tout desizyon pou avansman **Òganizasyon** an.

Atik 10- Respè Règleman Entèn Nan Desizyon Manb Fondatè.

Kèlkeswa desizyon majorite **Manb Fondatè Òganizasyon HOTSPOT ONE (OHO)** ap pran, fòk desizyon sa a pa vyole youn nan atik ki nan **Règleman Entèn Òganizasyon** an. Si desizyon an ta rive vyole **Prensip Fondamantal Règleman Entèn** nan, desizyon sa a, menm si se majorite **Manb Fondatè** yo ki pran li ebyen desizyon sa a pap valab.

Atik 11- Delè Pou Konvokasyon Manb Fondatè.

Tout konvokasyon pou reyinyon **Komite Manb Fondatè (KMF) Òganizasyon HOTSPOT ONE (OHO)** ap fèt **Vennkat (24) èd Tan** alavans. Sepandan, si ta genyen yon ijans nan **Òganizasyon** an, nan ka sa a, **Prezidan** an ap genyen dwa pou li konvoke tout **Manb Fondatè** yo san li pa teni kont ni jou ak lè li ye a.

Atik 12- Desizyon Pou Yon Manb Fondatè Ki Abandone.

Si nan yon reyinyon **Manb Fondatè Òganizasyon HOTSPOT ONE (OHO)** ta genyen pou yo pran yon desizyon pou bon mach **Òganizasyon** an, ta genyen yon **Manb Fondatè** ou plizyè **Manb Fondatè** ki ta deside kite reyinyon an pou kèlkeswa rezon an, san reyinyon an poko fini, lè sa a, lòt **Manb Fondatè** yo ki rete yo ap genyen dwa pou yo pran kèlkeswa desizyon an menm si yo pa majorite depi se pou bon mach **Òganizasyon** an epi depi li kadre ak **Estatif Òganizasyon** an.

Atik 13- Respè Pou Desizyon Majorite Manb Fondatè.

Tout **Manb Fondatè** dwe respekte desizyon majorite **Manb Fondatè** yo pran depi desizyon sa pa kontrè ak filozofi, misyon epi vizyon **Òganizasyon HOTSPOT ONE (OHO)** ap defann.

Atik 14- Kowòm Pou Manb Fondatè Pran Desizyon.

Tout gwo desizyon **Manb Fondatè Òganizasyon HOTSPOT ONE (OHO)** ap genyen pou yo pran pou bon mach **Òganizasyon** an, **Manb Fondatè** yo dwe pran li nan yon reyinyon epi reyinyon sa a dwe genyen majorite **Manb Fondatè** ladann. Nan ka pa ta genyen majorite **Manb Fondatè** ki prezan nan reyinyon an, Lè sa a, lòt **Manb Fondatè** yo ki prezan pap kapab Pran okenn gwo desizyon.

Atik 15- Obligasyon Respè Youn Pou Lòt.

Respè youn pou lòt se yon obligasyon nan mitan tout **Manb Fondatè** yo, menm jan sa ekri nan atik yo ki nan **Estatif Òganizasyon HOTSPOT ONE (OHO)**.

Atik 16- Frekans Reyinyon ak Sanksyon.

Kategori Manb Fondatè (Board) Òganizasyon HOTSPOT ONE (OHO) dwe reyini **Youn (1) Fwa** nan **Mwa** men se chak dènye **Dimanch Mwa**, pou diskite sou pwogrè ki fèt ak pèspektiv yo konvokasyon sa ap fèt ak tout **Manb Fondatè** yo sou platfòm vityèl yo pa yon mesaj, oubyen yon nòt ki pote siyati **Sekretè Jeneral Komite Manb Fondatè (KMF) Òganizasyon** an. Sou jou ak lè reyinyon sa ap fèt dire reyinyon sa a pa dwe depase **De (2) èd Tan**.

Atik 17- Montan kotizasyon Dwa Manb Fondatè.

Kotizasyon **Dwa Manb Fondatè** yo, obligatwa pou tout **Manb Fondatè** ki ap viv nan peyi **Letranje** ak peyi **Dayiti**.

- **Montan Peyi Letranje \$ 30 us.**
- **Montan Peyi Dayiti 1000 gds.**

Atik 18- Don Manb Fondatè.

Kèlkeswa **Manb Fondatè** a kapab fè **Don** ak **Òganizasyon HOTSPOT ONE (OHO)** sou kèlkeswa fòm nan tankou an espès epi an nati.

Atik 19- Peryòd Kotizasyon Manb Fondatè.

Kotizasyon tout **Manb Fondatè** yo obligatwa. Montan sa dwe vèse **Chak Mwa**, sòti **Premye (1)** pou rive **Kenz (15)** nan **Mwa** a.

Atik 20- Lòt Peryòd Kotizasyon Manb Fondatè.

Kèlkeswa **Manb Fondatè** li ye a kapab vèse montan kotizasyon **Dwa Manb** li chak **Twa (3) Mwa**, **Sis (6) Mwa**, **Nèf (9) Mwa** epi **Douz (12) Mwa** a lavans pandan lanne a.

Atik 21- Limit Kotizasyon Ak Pèt Dwa Manb.

Kèlkeswa **Manb Fondatè** li ye a, li pa genyen dwa pou li depase **Katrevendis (90) Jou**, sa vle di **Twa (3) Mwa** san li pa vèse montan kotizasyon **Dwa Manb** li. Si sa ta rive, **Manb Fondatè** a ap pèdi **Dwa Manb** li. Tankou, **Manb Fondatè** a pap kapab Patisite nan kèlkeswa reyinyon an. Epi **Manb Fondatè** a pap kapab pran okenn desizyon nan non **Òganizasyon HOTSPOT ONE (OHO)** sa vle di **Manb fondatè** a ap **Inaktif**, Kidonk **Manb Fondatè** a dwe koube anba tout sanksyon ak tout desizyon lòt **Manb fondatè** yo pran.

Atik 22- Pwosedi Pou Reprann Dwa Manb.

Pou yon **Manb Fondatè** rive jwenn **Dwa Manb** li te pèdi a, fòk **Manb Fondatè** a vèse tout montan kotizasyon li te dwe vèse yo pandan **Katrevendis (90) Jou** a epi fòk **Manb Fondatè** a tou vèse tout montan kotizasyon **Dwa Manb** li pandan absans **Dwa Manb** li a. Lè sa a ap fèt, **Manb Fondatè** a dwe vèse tout montan kotizasyon **Dwa Manb** li yon sèl kou. Konsa **Komite Manb Fondatè (KMF)** la ap pèmèt manb la reprann **Dwa Manb** li te pèdi a.

Atik 23- Rekouvremant Dwa Manb Ak Limitasyon Dwa Mnanb.

Si yon **Manb Fondatè** ta pèdi **Dwa Manb** li, epi aprè sa **Manb Fondatè** a ta rejwenn **Dwa Manb** li ankò, lè sa a, tout desizyon lòt **Manb Fondatè** yo te gentan pran pou bon mach **Òganizasyon HOTSPOT ONE (OHO)**, nan moman absans **Manb Fondatè** a te pèdi **Dwa Manb** li a, **Manb Fondatè** a pap kapab bay opinyon li ni kase okenn nan desizyon ki te gentan pran yo.

Atik 24- Sanksyon Pou Manb Fondatè ki Abandone.

Kèlkeswa **Manb Fondatè** ki nan **Òganizasyon HOTSPOT ONE (OHO)**, pa genyen dwa pase **Douz (12) Mwa** san **Dwa Manb** li pou kèlkeswa rezon an, Sinon, **Manb Fondatè** a ap vini yon **Manb Inaktif**. Kidonk **Manb Fondatè** a dwe remèt tout sa ki nan men li si li genyen epi fasilite tout chanjman yo pou avansman **Òganizasyon** an.

Atik 25- Radyasyon San Reklamasyon.

Kèlkeswa **Manb Fondatè** a ki ta soti nan **Òganizasyon HOTSPOT ONE (OHO)**, pou kèlkeswa rezon an **Manb Fondatè** a pap kapab fè okenn reklamasyon. Epi pa bliye, tout sa yon **Manb Fondatè** bay nan **Òganizasyon** an sou kèlkeswa fòm li ye a se **Don** li ye, kidonk okenn **Manb Fondatè** pa genyen dwa: **Vann Li, Fè Kado Li, Prete Li, Twoke Li, Pran Li, Kraze Li, Boule Li, Ni Mete Li Nan Plàn/Brikabrak Elatriye.**

Atik 26- Pwosedi Pou Yon Manb Fondatè Demisyone.

Si yon **Manb Fondatè**, ta deside demisyone, pou pwòp rezon pa li epi san okenn lòt **Manb Fondatè** pa ni fòse li ni mande li demisyone, **Manb Fondatè** a genyen yon fason pou li fè sa.

- Tou dabò, **Manb Fondatè** a dwe konsilte **Papa Lide** a ki te pèmèt entegrasyon li nan **Òganizasyon** an pou diskite avèk li sou sa.
- Aprè sa, **Manb Fondatè** a ap genyen pou li konsilte tout lòt **Manb Fondatè** **Òganizasyon** an, pou diskite sou motif ak kontrent li genyen ki fè li oblije demisyone.

- Se aprè li fini konsilte ak diskite ak **Manb Fondatè** sa yo, **Manb** la ap genyen posiblite pou ekri lèt demisyon li a ki ap adrese ak **Komite Manb Fondatè (KMF)**.
- Pwosedri sa valab pou tout **Manb Fondatè** nan **Òganizasyon** an ki ap demsiyone.
- Pou **Manb Fondatè** ki te nan **Komite Manb Fondatè (KMF)**, fòk li remèt tout dosye, materyèl ak ekipman **Òganizasyon** an ki te nan men li yo epi bay yon ti tan pou pèmèt lòt **Manb Fondatè** ki ap ranplase manb la genyen konesans sou dosye li te trete yo epi genyen achiv sa yo pou travay la kapab kontinye.

Atik 27- Byen Materyèl Ak Imateryèl Fason Pou Yo Itilize.

Tout byen materyèl ak imateryèl dwe disponib pou tout **Manb Fondatè Òganizasyon HOTSPOT ONE (OHO)** nan kad travay yo. Sepandan, tout byen materyèl ak imateryèl **Òganizasyon** an pa dwe itilize pou afè pèsònèl kèlkeswa **Manb Fondatè** li ye a.

Atik 28- Konfidansyalite Nan Pataj Enfòmasyon.

Si ta genyen yon **Manb Fondatè** pou yon rezon ou pou yon lòt ki ta deside pataje enfòmasyon pèsònèl **Òganizasyon HOTSPOT ONE (OHO)** ak yon lòt manb ou plizyè lòt manb ki pa genyen otorizasyon pou sa, epi ki pa fè pati nonplis **Òganizasyon** an, **Manb Fondatè** sa a pap janm genyen aksè ak enfòmasyon pèsònèl **Òganizasyon** an ankò.

Atik 29- Repatisyon Depans.

Tout depans ki prevwa fèt pou bon mach **Òganizasyon HOTSPOT ONE (OHO)** dwe fèt volontè, sa vle di li pa yon obligasyon pou **Manb Fondatè** a. Sa a ap fèt selon volonte ak katasite **Manb Fondatè** a genyen.

Atik 30- Kotizasyon Manb Fondatè.

Tout kotizasyon **Manb Fondatè** yo se pou reyalize yon pwojè kèlkonk swa a kou tèm, mwayen tèm epi ak lon tèm pou avansman **Òganizasyon HOTSPOT ONE (OHO)**. Okenn **Manb Fondatè** pa genyen dwa pou ni prete li, ni reprann li, epi ni itilize li aprè kotizasyon **Manb Fondatè** yo sou kèlkeswa fòm nan.

Atik 31- Respè Don.

Kèlkeswa fòm **Don** an yon **Manb Fondatè** fè oubyen yon lòt **Manb** fè epi ak nenpòt lòt **Moun** fè pou **Òganizasyon** an, pa pou okenn **Manb Fondatè** a tit pèsònèl. Lè **Administrasyon** an mete yo ansanm yo tout tounen fon pou **Estrikti** a ki ap aji anba yon **Pèsòn** moral.

Atik 32- Amandman Règleman Entèn.

Règleman Entèn Manb Fondatè Òganizasyon HOTSPOT ONE (OHO), kapab modifiye chak **Youn (1) Lanne** si sa nesesè, men fòk majorite **Manb Fondatè** yo aksepte pou sa posib. Sepandan li kapab modifiye tou nenpòt moman nan peryòd sa, men fòk tout **Manb Fondatè** yo aksepte pou sa posib.

Atik 33- Respè Règleman Entèn.

Tout **Manb Fondatè Òganizasyon HOTSPOT ONE (OHO)**, genyen pou obligasyon pou yo aplike, respekte epi fè aplike, respekte **Règleman Entèn Manb Fondatè** a.

Atik 34- Delè Siyati Règleman Entèn Nan ak Sanksyon.

Aprè siyati **Règleman Entèn Manb Fondatè Òganizasyon HOTSPOT ONE (OHO)**, Tout **Manb Fondatè** yo dwe respekte epi fè respekte akò yo fini siyen an, Sinon, **Manb Fondatè** sa a ap genyen yon delè **Twa (3) Jou** fran pou li deside. Si delè sa a pase, **Manb Fondatè** sa a pap kapab fè pati **Manb Fondatè Òganizasyon** an ankò.

Mwen menm _____ **Mwen** li, **Mwen** komprann, **Mwen** aksepte epi **Mwen** siyen paske **Mwen** dakò ak tout **Atik** san manke yon yota ki nan **Règleman Entèn Manb Fondatè Òganizasyon HOTSPOT ONE (OHO)** pou mete yo an aplikasyon epi koube **Mwen** anba sanksyon yo chak fwa **Mwen** vyole youn ladan yo.

Fèt Nan Dat 06 Desanm 2022

Dat _____ / _____ / _____

Siyati Manb Fondatè OHO